

NAQQIUT

Saqqummiussissut 15. januar 2015-imeersoq taarserpaa
(Teknikkikkut allannguuteqartitsisoqarpoq)

Siunnersuut uunga:

Angajoqqaatut akisussaassuseqarneq pillugu inatsisip Kalaallit Nunaannut atuutilersinneqarnera pillugu Peqqussummut, Angajoqqaatut oqartussaassuseqarnermut aalajangiinerit il.il. nunani tamalaani atortussanngortinnissaat pillugit inatsisip Kalaallit Nunaanni atuutilersinnissaat pillugu Peqqussummut, Kalaallit Nunaannut oqartussaassutsimut inatsisip allanngortinnissaa pillugu inatsimmut, Aappariilersarnerup inatsisitigut sunniutai pillugit inatsisip Kalaallit Nunaanni atuutilersinneqarnera pillugu inatsimmut, Kalaallit Nunaannut eqqartuussisarneq pillugu inatsimmut aamma Kalaallit Nunaannut pinerluttulerinermut inatsimmut, Eqqartuussisarneq pillugu inatsisip allanngortinnissaa pillugu inatsisip Kalaallit Nunaanni atuutilersinnissaa pillugu Peqqussummut, Aappariilersarneq aappariigunnaartarnerlu pillugit inatsisip allanngortinnissaa pillugu inatsimmut kiisalu inatsisinut assigiinngitsunut Kalaallit Nunaanni Namminersorlutik Oqartussat isumaqataanissaat pillugu Inatsisartut aalajangiiffigisassaattut siunnersuut, aamma (UPA2015/99)

Aappariilersarneq aappariigunnaartarnerlu pillugu inatsisip allanngortinnissaa pillugu inatsisip ilaata Kalaallit Nunaannut atuutilersinneqarnera pillugu Peqqussummut, aappariinnerup inatsisitigut sunniuteqarnera pillugu inatsimmut aamma eqqartuussisarneq pillugu inatsimmut aamma nalunaarsukkamik inooqatigiinneq pillugu inatsisip atorunnaarsinneqarneranut Kalaallit Nunaanni Namminersorlutik Oqartussat isumaqataanissaat pillugu Inatsisartut aalajangiiffigisassaattut siunnersuut (Inuit marluk suaassuseqatigiit akornanni aappariilersarnerup kingunerisaanik nalunaarsukkamik aappariilersarneq pillugu inatsit pillugu peqqusuttip atorunnaarsinneqarnera).
(UPA2015/100), aamma

Siunnersuut uunga: Meeqqat illersorneqarnissaat pillugu Haagerimi isumaqatigiissut pillugu inatsisip Kalaallit Nunaanni atuutilersinneqarnera pillugu Peqqussummut Kalaallit Nunaanni Namminersorlutik Oqartussat isumaqataanissaat pillugu Inatsisartut aalajangiiffigisassaattut siunnersuut. (UPA2015/101).
(Pinngortitamut, Avatangiisinut Inatsisinillu Atuutsitsinermut Naalakkersuisoq)

Saqqummiussissut

(Pinngortitamut, Avatangiisinut Inatsisinillu Atuutsitsinermut Naalakkersuisoq)

Siullermeerneqarnera

Ilaqutariinnut eqqartuussisarnikkut inatsisitigut allannortitsinissat uani pineqartut sivilisuumik utaqqineqarsimapput, tamakkulu ilaqutariinnut eqqartuussisarnikkut inatsisitigut nutaaliarluni allannortitsinissamut alloriarnerupput pingaarutilit. Aalajangiiffigisassatut siunnersuutit angajoqqaatut oqartussaassuseqarneq peqatigiittarnerlu pillugit aalajangiinernut atatillugu meeqqap paaqqutarineqarnissaa qitiutinneqassapput. Aammattaq inatsisinik allannortitsinissat immikkorluinnaq ittumik meeqqat pillarneqartarnissaannik pisinnaatitaaffiup atorunnaarsinneqarnissaannik imaqarput.

Immikkoortut 99, 100 aamma 101 imminnut qanimut ataqtigiipput, ataatsimoortumillu akuersissutigineqarnissaat naatsorsuutaalluni, taamaammallu immikkoortut pingasuusut siulittaasup aalajangeratigut ataatsimoortillugit suliarineqartussaallutik.

Aalajangiiffigisassatut siunnersuutit meeqqamik qitiutitsilluni angajoqqaatut akisussaassuseqarnermut inatsisissap oqaasertalernissaanut periarfissat pillugit UPA 2011-mi oqallittoqarneranut atatillugu tapersuisoqarluarnera tunngavigalugu saqqummiunneqarput. Siusinnerusukku Naalakkersuisuusimasut tamanna tunngavigalugu angajoqqaat akisussaassuseqarnerannut inatsisip atuutilersinnissaa pillugu peqqussutissamik naalagaaffimmi oqartussaasut suliaqaqqullugit qinnuiginnissimapput. Angajoqqaatut oqartussaassuseqarneq pillugu inatsisip nutarternerani aallaaviatigut angajoqqaat meeqqaminut pisinnaatitaaffeqarnerat allannortinneqarpoq, aallaaviatigullu meeqqap angajoqqaaminut marluusunut pisinnaatitaaffeqarnera pineqarluni. Tamanna isumaqarpoq angajoqqaatut oqartussaassuseqarneq peqatigiittarnissarlu pillugit sulianik aalajangiisoqarneranut atatillugu meeqqat annertunerusumik peqataatinneqarnerulissasut.

Pingaarutilittut ilaavoq inatsisinik allannortitsinissat nunani tamalaani isumaqatigiisummik atuutilersitsinissamik ilaqarmata, tamatumalu kingunerisussaallugu angajoqqaatut oqartussaassuseqarnermut aalajangiinerit Naalagaaffeqatigiinnermi killeqarfiup avataani aamma atuutilersinneqarsinnaalernerat.

Ilaqutariinnut inatsiseqartitsinerup ataatsimut nutarteriffigineqarneranut ilaasumik aappariit assigiimmik suaassuseqartut katitsinneqarsinnaalernissaat aamma eqqunneqarpoq. Aappariit assigiimmik suaassusillit katissinnaalernerat UPA 2010-mi Inatsisartut aalajangiinerisigut akuersissutigineqartoq malinneqarpoq.

Aalajangiiffigisassatut siunnersuutitigut taamaalilluni qulakkeerneqassaaq ullutsinnut nalequttunik ilaqutariinnut inatsiseqalernissaaq aamma aalajangiinerit Kalaallit Nunaanni aalajangiiffigineqartut naalagaaffiup killeqarfiisa avataanni atortussannortinneqarsinnaalersinnaanissaat.

Oqaatsit taakku atorlugit aalajangiiffigisassatut siunnersuutit matumuuna Inatsisartunut suliassannortippakka.